

# SARS E KGOPELA BENGMEŠOMO GO BEAKANYA DATA YA NGWAGA KA NGWAGA YA BENGMEŠOMO YA SETLHA SA GO FAELA

**Pretoria, 5 Matšhe 2021** – Ditirelo tša Motšhelo tša Afrika Borwa (SARS) di ikgafetše go fana ka tiišetšo le hlathollo go balefela motšhelo le bagwebi ka moka mabapi le boitlamo bja motšhelo ya bona le dikhastomo gore ba dule ba obamela le go kgonthiša gore go dira ditransekšene le setheo go nolofala ka mo go ka kgonegago.

Le ge go le bjale, go nolofala ga ditransekšene tša SARS go karolo enngwe le enngwe ya balefela motšhelo, bagwebi le maloko a boraro go phethagatša boitlamo bja bona bja semolao le go tiišetša tirelo ya go nolofala yeo e direlwago ke SARS.

Ke ka fao, SARS e kgopelago bengmešomo gore ba tiišetše go lokiša dithomelo tša dipušetšo tša bona tša ditaodišo tša poelanyo ya ngwaga ka ngwaga ka tshedimošo ya morago rago gape ya go nepagala ya megolo ya bašomi ba bona le motšhelo yeo e gogilwego.

Sammaletee, SARS e letetše gore bafana ka tirelo ya tshedimošo ya leloko la boraro go tšwa go ditheo tšeo di laolago dikimi tša kalafo, dikhwama tša metlaodutše le tše dingwe go fana ka tshedimošo ya bjale bjale ya paale go nolofaletša balefela motšhelo bao ba hlokago go faela pušetšo ya motšhelo wa letseno.

*Data* yeo e swanetšego go romelwa go SARS go tšwa go bengmešomo e swanetše go akaretša Ditaodišo tša Kgwedi ka kgwedi tša Mongmošomo tšeo di rometšwego, ditefelo tšeo di dirilwego le Ditefikeiti tša Motšhelo (IRP5/IT3)(a) tšeo di tšweleditšwego, tša go akaretša ngwaga wa motšhelo ka botlalo go tloga ka la 1 Matšhe go fihla ka la 28/29 Feberware. Tshedimošo yeo e rometšwego ke maloko a boraro e swanetše go akaretša sebaka sa go swana sa motšhelo.

Go tšwa lehlakoreng la bengmešomo, *data* ya megolo ya bona e tloga e le bohlokwa kudu go SARS. Sa pele, e fa akhaonte ya poelanyo ya palo ya tšhelete ya motšhelo yeo mongmošomo a e gogilego go mogolo wa go tšhelelwa ya mošomi oo mongwe le o mongwe. Sa bobedi, e laetša palo ya tšhelete ya motšhelo yeo mongmošomo a e lefetšego SARS legatong la mošomi. Gape e rekhota diputseletšo tše dingwe tšeo mongmošomo a di lefelago mošomi bjale ka karolo ya dikholego tša megolo ya bona.

Go ya ka tshedimošo ye ya megolo le *data* go tšwa go maloko a boraro, SARS e tlo kgona go romela pušetšo ya motšhelo wa letseno go balefela motšhelo bao ba šetšego ba tlaleditšwe sa ruri tshedimošo ya maleba go nolofaletša balefela motšhelo bao ba se nago merero ya motšhelo ya go raragana. Go balefela motšhelo ba, go faela pušetšo e ba mošomo o bonolo wa go lekola gore tshedimošo ka moka yeo e tlaleditšwego saruri ke ya nnete gomme ba romele pušetšo go SARS.

Bengmešomo le maloko a borato ba na le sebaka sa go tloga ka la 1 Aprele go fihla ka la 31 Mei go romela *data* ya bona go SARS.

Maloka le leuba la Covid-19 le kimollo yeo e filwego go batho, bašomi le bengmešomo bao ba šaparegilego, SARS e ikemišeditše go tiišetša tekanyo ya obamelo magareng ga koketšo ya bengmešomo lenyaga.

Bengmešomo bao ba palelwago ke go romela *data* ya megolo ka nako ba ka ba le maikarabelo a ditefišo tša dikotlo tša go fihla ka 10% ya boleng bja megolo ya bona.

Mo nakong ye ya ditlhotlo tša Covid-19, go tloga go le bohlokwa gore molefela motšhelo le mogwebi yo mongwe le yo mongwe ba dule ba obamela. Obamelo e bjalo le dikabelo tša ditseno di kgontšha mmušo go fana ka dithoto tše bohlokwa tša selegae go maAfrika Borwa bao ba šaparegilego le go hira bašomi ba ditirelo tša pele kgatlhanong le ntwaga ya Covid-19. Dikabelo tše gape di kgontšhitše mmušo go thoma ka lenaneo la dikenti go lwa kgatlhanong le baerase.

SARS ka boikokobetšo e tloga e leboga bengmešomo bao ba obamelago bao ba dutšego ba obamela ngwaga ka ngwaga ka go faela ditaodišo tša bona le go dira ditefelo tše di swanetšego ka nako. Ka kgatlhego ya bašomi ba bona le setlha sa go faela sa go nolofatšwa, re kgopela bengmešomo ka moka go thoma go beakanya tshedimošo ya go mpshafatšwa yeo e swanetšego go romelwa go SARS.

Go hwetša dintlha tše dingwe ka ga thomelo ya *data* ya megolo le diplatformo tša inthanete tše di hwetšagalago bakeng sa thomelo, bengmešomo ba ka etela letlakala la PAYE go wepsaete ya SARS go [www.sars.gov.za](http://www.sars.gov.za)

Bakeng sa dipotšišo tša phatlalatšo ya ditaba ka kgopelo ikgokaganye le [SarsMedia@sars.gov.za](mailto:SarsMedia@sars.gov.za)

SEPHETHO